

## Бир аёлнинг эътирофи



18:30 / 29.03.2022 3496

Бир аёл турмуш қурганига 35 йил бўлганда, ўзининг оила борасидаги фикрларини баён қилибди.

«Шуни тушундимки, ота-онасига, аёлига, опа-синглисига, фарзандларига ва набираларига қўлидаги барча нарсасини фидо қиладиган инсон бу – эркак экан.

Тўхтовсиз, баъзан кечроққача меҳнат қиладиган, қилганда ҳам норозиликсиз, шикоятсиз меҳнат қилиб, ёшлигини, саломатлигини аёли ва фарзандлари учун фидо қиладиган инсон бу – эркак экан.

Икки ёки ундан ортиқ ишда ишлашга тўғри келса ҳам, саломатлиги эвазига бўлса ҳам, оилавий ҳаётини яхшилашга уриниб, фарзандларининг келажагини ўйлаб, шунга яраша ҳаракат қиладиган инсон бу – эркак экан.

Тинмай курашадиган, тиришадиган, уйда ота-онасининг, ишда бошлиғининг танбеҳига бардош берадиган инсон бу – эркак экан.

Бундан ташқари барча маломат ва таъна тошлари эркакнинг бошига тушар экан.

Бироз ўйин-кулгу билан машғул бўлса, «масъулиятсиз одам», уйда ўтирса, «дангаса одам» дейишади.

Фарзандлари хато, айб иш қилса, уларга дакки берса, «ваҳший одам», индамаса, «юмшоқ одам» дейишади.

Аёлининг ишлашига рухсат бермаса, «уйдаги диктатор бошлиқ», ишлашига рухсат берса, «аёлини ишлатиб пулини еювчи текинхўр» дейишади.

Онасининг гапларини тингласа, «онасининг итоаткор боласи», хотинининг гапларини тингласа, «хотини бурнидан ип ўтказиб олган лапашанг» дейишади.

Шунга қарамасдан, фарзандларининг барча соҳада ўзидан яхшироқ бўлишини истовчи инсон ўша ота бўлади.

Фарзандларидан кўнгли тўлиб, улардан рози бўлганда чин қалбдан дуо қиладиган ҳам ота бўлади.

Ота шундай зотки, фарзандлари кичиклигида унинг оёғини боссалар, оёғига чиқсалар, уларни кўтаради. Фарзандлари катта бўлгач, унинг қалбини эзсалар, қалбига озор берсалар ҳам, уларни кўтаради.

Ота шундай зотки, фарзандларига дунёдаги энг афзал нарсани бера олмаса ҳам, уларга қўлидаги энг афзал, балки, қўлидаги ҳамма нарсасини тортиқ этади.

Агар она фарзандларини 9 ой қорнида кўтариб юрса, ота фарзандларини бир умр ақлида, ўй-хаёлларида кўтариб юради».

Бу аёл ўз сўзини мана бу гап билан яқунлабди: «Ҳаётингизда отангизни, эрингизни ва бошқа маҳрам эркакларни ҳурмат қилинглар. Чунки уларнинг сизлар учун қанчалик фидокорлик қилишини билмайсизлар».

نَوْدُخَسَيِّمُهُ تَيَّارَفَ رِيخْلَا تَيْتَا ؛ لِقَا هُنَّ هَلَلِ يَضْرَعُ سَبَسِي قَوْ نَعْنَ  
كَلَذِبٌ قَحْ أَمَّ لَسَوَّ هَيْلَعُ هَلَلِ لَلِ لَّوَسَّرَ ؛ تَلْقَفَ ؛ مُهَلِّ نَابُ زَرَمَلِ  
تَيْأَرَا ؛ لِقَا فَرَكَلْ ذُهَلْ تَلْقَفَ مَلَسَوَّ هَيْلَعُ هَلَلِ لَلِ لَّوَسَّرَ يَبَّ نَلَا تَيْتَا فِ  
تُنُّكَ وَ لَ ، اُولَعَفَاتِ اَلَفَ ؛ لِقَا ، اَلِ ؛ تَلْقَ ؛ هَلْ دُجَسَاتِ تَنْ كَلِ رُبَّ قَبَ تَرَرَمَ وَ لَ  
هَلَلِ لَعَجَ اَمَلٌ نَوْجَ اَوْزَالِ نَدُخَسَيِّمٍ نَأَسَّ نَلَا تَرَمَّ اَلِ دَحَّ اَلِ دُخَسَيِّمٍ نَأَ اَدَحَّ اَرَمَّ اَ  
تُنُّكَ وَ لَ ؛ هُطَفَلَوَّ يَدْمَرَّتْ لَلِ اَمَكَا لَلِ اَوْ دُوَادُ وَ بَأُ هَاوَرِ ؛ قَحْلَا نَمَّ نَهَيْلَعُ مُهَلْ  
اَوْجُ وَ زَلِ دُخَسَاتِ نَأَ اَرَمَّ لَلَا تَرَمَّ اَلِ دَحَّ اَلِ دُخَسَيِّمٍ نَأَ اَدَحَّ اَرَمَّ اَ

Қайс ибн Саъд розияллоҳу анҳудан ривоят қилинади:

«Ҳийрога бориб, уларнинг Марзубонларига сажда қилаётганларини кўрдим. (Ўзимча) бунга Расулуллоҳ соллаллоҳу алайҳи васаллам ҳақлироқлар, дедим.

Набий соллаллоҳу алайҳи васалламнинг олдиларига келиб, буни у зотга айтдим. Шунда у зот:

**«Айт-чи, бир қабрнинг олдидан ўтсанг, унга сажда қилармидинг?»** дедилар.

«Йўқ», дедим.

**«Ундай қилманглар! Агар бировни бировга сажда қилишга амр қилувчи бўлсам, Аллоҳ уларга (эрларга) улар (хотинлар) устидан берган ҳақнинг сабабидан аёлларни эрларига сажда қилишларига амр қилган бўлар эдим»,** дедилар».

*Абу Довуд, Ҳоким ва Термизий ривоят қилганлар.*

Термизийнинг лафзида:

**«Агар бировни бировга сажда қилишга амр қилувчи бўлсам, хотинни эрига сажда қилишига амр қилган бўлур эдим»,** дейилган.

Эр – оиланинг раҳбари. Агар аёл эрнинг итоатида бўлса, фарзандлар ҳам отага итоат қиладиган бўлади. Оқибатда оилада дўстлик, муҳаббат ҳукм суради, оила мустаҳкамланади, қут-баракали бўлади.

Аёлнинг эрига итоатсизлиги эса, оиланинг бузилишига, бошқа кўплаб ноқулайликларга сабаб бўлади. Ушбу ҳақиқатни ҳар бир мусулмон оиланинг ҳар бир аъзоси яхшилаб тушуниб олмоғи зарур. Шу билан бирга, Аллоҳ таолога гуноҳ бўладиган ишларда эрга ҳам, ундан бошқага ҳам итоат қилиш йўқлиги умумий қоида эканини ҳам доимо ёдда тутиш керак. (*«Бахтиёр оила» китобидан*).

Аллоҳ таоло оилаларимизни мустаҳкам қилсин! Аёллар ўз эрларига итоат қилишларини ва бошқа маҳрамларининг ҳам ҳурматини жойига қўйишларини насиб этсин!

***Интернет маълумотлари асосида Нозимжон Ҳошимжон тайёрлади***